

Q. D. B. V.  
DISSERTATIO MEDICA  
DE  
**VENIS ABSORBEN-  
TIBVS**

QVAM  
INDVLTV GRATIOSAE FACVLTATIS  
MEDICAE LIPSIENSIS

**PRO LOCO**  
PLACIDAE ERVDITORVM VENTILATIONI  
SVBIICIT

**SAMVEL THEODORVS  
QVELLMALZ,**

**PHILOS. ET MED. DOCTOR**  
**ANAT. ET CHIR. P. P. E.**

RESPONDENTE

**CAROLO FRIDRICO SCHWERT-  
NERO,**

IVLIOBVRGO-SILESIO.

*AD DIEM XVII. OCTOBR. M. DCC XXXII.*

---

LIPSAE, TYPIS GABRIELIS TROGII.







# SYNOPSIS DISSERTATIONIS.

- §. I. *Minutiae in C. H. flocci pendendae non sunt.*
- §. II. *Epidermis describitur.*
- §. III. *Corpus reticul. Malpighii.*
- §. IV. *Cutis ipsa et partes eius.*
- §. V. *Pororum ortus et constitutio.*
- §. VI. *Dari duplices monstrat.*
- §. VII. *Utro probat phaenomenis variis et medicamentorum topicorum applicatione.*
- §. VIII. *Continuatio probationis per materiam morbosam retrocedentem.*
- §. IX. - - - *Per Mercurii viui transpressionem et urinatores.*
- §. X. *Venarum inbalantium internarum existentia sistitur.*
- §. XI. *Poros inter et venas cruore refertas intercedunt serosa nostra vasa.*
- §. XII. *Earundem functio non eadem in omnibus accidit quantitate.*
- §. XIII. *Differt pro differenti aeris et aliarum circumstantiarum conditione.*
- §. XIV. *Materia, quae ingreditur.*
- §. XV. *Quaerit, an aer intret maxime per respirationem in sanguinem pulmonum.*
- §. XVI. *An etiam per venas nostras absorbentes?*



- §. XVII. Differt aer multum ratione tenuitatis et variorum admixtorum.
- §. XVIII. An et varia aeri commixta effluvia ingrediantur?
- §. XIX. Triplicis regni effluvia sunt admodum subtilia, per consequens ex parte intromitti possunt.
- §. XX. Modus, quo funguntur venae nostrae inbalantes officio expenditur.
- §. XXI. Adducuntur quaedam experimenta rem illustrantia.
- §. XXII. Quam praestant, utilitatem tradit.
- §. XXIII. Internor. pororum absorbentium specialis usus.
- §. XXIV. Quem effectum tantillum aeris introducti promittat? exhibet.
- §. XXV. A contrario illustratur.
- §. XXVI. Aer in humoribus praesens non agit in omnibus, ut externus.
- §. XXVII. Balneorum aliorumque variorum remediorum chirurgicorum usum, quem per venas has inbalantes corpori afferunt, breuissimis perpendit.







§. xli.

I, quae alma mater, natura, ex minimis, oculisque non armatis vix conspiciendis produxit, dispiciamus, haud exiguum eorum inueniemus numerum. Posthabitis aliis, in homine, ceu microcosmo, tales abunde se sistunt minutiae, aut res difficulter admodum perscrutabiles, vt, quod

artificis esse alias perhibetur, occultare artem, in naturam quoque, artificum principem, iure meritoque cadat. Quot non nisi mentis acie peruestigandi secretionum modi in visceribus internis obtineant, in praesenti pluribus inquirere non expedit. Externam mihi sumam cutem, pariter ac inuolucra interna, cum cauitates, tum viscera ac partes obducentia, inque iisdem vasa perspicaciori oculorum acie vix perfecte introspicienda, ac ne vix quidem. Tantum tamen abest, vt ceu nullius momenti res, flocci pendenda sint, vt non parum potius utilitatis hinc inde praestent. Priusquam vero eadem penitus peruestigemus, cutis ipsius externae conformationem simul perspicere lubet. Constituit autem eadem velamentum illud commune re-



gionibus corporis externi, ex variis laminis, cuticula nimirum, corpore Malpighii reticulari & cute stricte sic dicta conformatum.

## §. II.

Exterior eius lamina Epidermidis nomine insignita tam tenuis est structurae, si inprimis illam volae manus plantarumque pedis excipias, quippe quae sat robusta apparet, ut non tam cultelli, quam putrefactionis potius, ignis, aut macerationis in feruida peragendae ope a cute substrata separaretur. Fabricam eius ex squammulis, siquae Loewenhoekio (a) fidem faciamus, pentagonis, in strato triplici ita sibi inuicem incumbentibus, ut tertia tantum pars in oculos incurrat, reliquae tegantur, adeo, ut sudor non tam per foramina insculpta, quam squammularum dictarum interstitia erumpat, constare videmus. Ad quamlibet vero squammulam ingentem vasculorum, inuicem mire implicatorum numerum (b) concurrere, non aliter, ac in piscibus contingat, tradit. De cuius in lamellas plures resolutione anatomicorum variae sunt sententiae; alius namque duas, (c) alius tres vel quatuor admittit. Tota vero subtilis membranula poros, differenti magnitudine conspicuos, ita repraesentat, ut non saltem subtiles et insensibiles, sed et paulo crassiores seri exhalationes transire, eaeque in fulcis nunc longitudinalibus, nunc transversalibus, nunc cruciformibus, nunc spiralibus, profundioribus, leuioribus colligi et interdum in guttas condensari, imo et pili ipsi, qui eos in vaginas pertundunt, iisdem contineri queant. Quanquam quidem

(a) In Transact. angl. N. 159. p. 572.

(b) Epistol. part. II. p. 205. seqq.

(c) Munnicks de re anatom. p. 3. Couper. anat. t. IV. fig. 1.



quidem sanguifluis vasis, aliis competentibus partibus destituatur, non interim, quae poris eius laudatis cum arteriis et venis intercedit connexio, iis deneganda est. Enim vero tam largae more vasorum conicorum (quae tamen in cylindrica tandem degenerare multis videntur argumentis) confluunt, vt vltima earum oscula ultra omnem sensum angustata, siquidem vasa horum tomentosa Gossypii tenuitatem ex mente Ruyschii, plurimum exsuperant (*d*) cum neruorum papillis, substantiam ipsam eidem laminae suppeditare videantur. An vero eadem etiam nares, aurem, os, oesophagum, ventriculum ac intestina obducant, quaeri poterat? Verum enim vero, tametsi ipsae, harum dictarum partium exteriores membranae, mutato veniant nomine, multum tamen cum hac conueniunt.

### §. III.

Vtrum altera cutis lamina, Malpighii (*e*) industria detecta, corporisque reticularis titulo insignita, omni cutis peripheriae communis, an potius certis quibusdam eius locis propria sit habenda, nondum satis euictum est. Quamquam enim Ruyschii (*f*) dexteritate per omnem corporis superficiem praeparatae ab ipso papillae neruosae perhibeantur, atque ego fidei tanti tamque excellentis viri nil quicquam detrahere velim, vtrum vero rete hoc non aliter vt in lingua, id est cohaerente reticulari forma liquido cunctam obducens cutem vt plurimum inueniatur, in medio relinquo. Tantam enim hinc inde epidermidis dari crassitiem, vt cultelli acie haud difficulter diuidi atque hac ratione incautis multum imponere queat, inter anatomicos bene constat. Quicquid eius sit, hoc extra litem positum est,

(*d*) Vid. aduers. I. p. 12.

(*e*) De Lingua. p. 34. it. de Tactus organo p. 60. sqq.

(*f*) Vid. aduers. I. p. 10.



est, sensibilitate maiori praeditas partes, aperte hoc ipsum inuolucrum oculis vel non armatis sistere. Vtrum porro a dura matre ceu neruorum extimo inuolucro deposito a neruis proficiscatur, illi dubitandi praebere poterat occasionem, qui bene meningis durae crassitiem ac firmitatem cum huius retis tenuitate curatiusque comparat. At enim vero, quod pro diversa nerui, nunc crassioris, nunc tenuioris, constitutione et ipsa eum inuoluens tunica differat maxime, tam firmiter hodie innotuit, vt sufficientem haesitandi rationem inueniat nullus. Vbi igitur papillae, imprimis largiores, in quas assurgunt vltimato cutanei nerui, in superficie cutis deponunt suum inuolucrum, ibi Malpighii producetur rete, tenuem efformans membranulam foraminulis aut vaginulis tot conspicuam, quot apices aut fines neruorum subtilissimorum eas effecerunt. In brutorum lingua ex duobus quidem constat lamellis, nolim interim concludere, ac si ea propter vbiuis duplex conspiciatur. Quanquam autem vasis sanguifluis lymphaticisque propriis nutritiisque constet minime, per hiatus tamen suos et pilos et vasa sudoris serosa, vasorum vltimorum apices, quos in cuticula pororum nomine vel nudus ex parte animaduertit oculus, transmittere debuit. Vt igitur neruosae papillae admodum sensiles, virtuteque se retrahendi in quibusdam locis extendendique praeditae, his occultentur vaginulis inque sensilitate sua moderentur ita, vt ne acutior tactus in dolorem degeneret manifestum, vtilitatem praebent non exiguam.

#### § IV.

Quae exteriora inuolucra, membrana densa, fulcis iisdem, ac cuticula ornata, neruis & vasis omnis generis ac glandulis contexta, non saltim pro obductione partium subiacentium, sed etiam pro varia humiditatis sericae & excretionem



tionem & variarum aliarum minutissimarum molecularum intromissione destinata, cutis excipit. Cum omnia membranae huius puncta, impari gradu licet, tactu afficiantur, nervorum expansionibus plurimis refertam eam esse, arbitrandum est. Qui nervi, notante Vieussens (g) cutem perreptantes a pari quinto & octavo, cervicali secundo & sexto, dorisque sex inferioribus, lumbaribus, brachialibus, & cruralibus prodire advertuntur. Dum autem vasorum conicorum more excurrunt, tandem in summa cutis peripheria in pyramidales supra dictas papillas finiuntur. Qui tamen fines vltro ex se pilos, de quibus videantur anatomici, utrasque superincumbentes laminae perrumpentes exurgere patiuntur. Praeterea eadem gaudet partim vasis innumeris et arteriosis et venosis, partim transitum aliis foras concedit. Actametsi cuius poro suam glandulam, sicuti Steno, Bidloo aliique tradidere, adscribere minus necessarium videatur, cum & sine harum ope, ut in aliis apparet locis, halituosae infra describendae materiae secretio a sanguine contingere poterat; quia tamen hinc inde tales ab aliis nunc pro extremitatibus arteriarum in folliculos expansis, nunc pro receptaculis humoris oleosi unctuosi habitae (h) appareant, ecquis praefraete inficias ire poterit?

## §. V.

Ipsae arteriae, ad cutis properantes superficiem, ob conicam suam figuram ita angustantur, ut tandem cylindricae factae, poros ipsos exhalationi destinatos, efforment. Qui ipsi tanta subtilitate praediti sunt, ut secundum naturam, vix cum fumo comparandum serum transmittant, nedum ut vlli vnquam sensus eosdem satis assequi aut numerare valuerint. Vtrum autem valuulis exitum quidem concedenti-

bus,



bus, ingressum vero denegantibus ornati sint, vti CL. Lanfius (i) aliique tradunt, cum vel minimam earum necessitatem vix mente concipere queam, asserere haud sustineo, probe gnarus, squammulas cuticulæ earum fungi posse officio. Haud absimili modo de venis sentiendum est, quod tam ob figuræ allegatæ legem, quam alios, immittendi nimirum varias et humidas, et ficas moleculas, fines, eadem vt arteriolæ ratione patentes, in cute definant. Venæ quidem functio est nulla, nisi vt cruorem ab arteriis exceptum ad cordis reducat centrum; sed eiusdem ad summam peripheriam deducta prolongatio, finesque aperti minus videri poterant utiles, cum, quæ in cute latitant solum, non æque, quæ per rete descriptum aut epidermidem transeunt, huic ipsi negotio præesse poterant. Atque ita rem esse constitutam, non diffiteor, cum et atmosphaeræ externæ expofita oscula aperta non tam exceptioni sanguinis, sed aliis infra explicandis humoribus rebusque sufficiant.

#### §. VI.

An duplicis generis pori in cute reperiantur, duplici fini respondentes, cum in primis veteres simplices et exhalantes et inhalantes eosdem, variis ducti rationibus crediderint, anceps videri poterat, cum præcipue autopsia in minimis fallax habeatur plurimis. De illis igitur, qui per subtilissimos lymphaticos canales cum arteriis conspirant, quique proin tam sensibilis, quam insensibilis dictæ transpirationis instrumentum præbent, dubium superest nullum; siquidem simplex digiti admotio versus politum metallum, aut vitrum frigidum transmissam materiam licet tenuissimam, nedum sudoris consueta eruptio, guttularum minimarum forma contingens, id ipsum oculis

(i) P. I. p. 241.



lis usurpandum praebebat nudis. Nunc vero cum iidem et arteriae connectentes sero ac sanguine repletae sint adeo, ut nil quicquam ab externa peripheria admittere queant, continua sanguinis ex corde in arterias, cruore iam refertas impulsio, vehementia ingenti vltro contingens abunde testatur. Tantumque insimul abest, ut quid subtilissimi immittatur, ut omni potius vi a contrario extrorsum versus vergente humorum progressu arceatur repellaturque. Qua de re non video, quo pacto sententiam suam firmare possit Lister. *k)* asserens: *At nihil admitti potest in sanguinis circulum ab extra, nisi per vasorum excretoriorum in glandulis itinera etc.* et continuando: *Verum stimulus ac assidua vellicatio osculis istorum ductuum a medicamentis adhibita eorum operationi sursum deorsumue provocandae sufficit.* Ipse Bellini balneorum aquas per totam cutem interius usque duci posse et medicamenta similiter: Frustra tamen dicit, laborant, qui comminiscuntur oscilla vasorum, per quae medicamentorum partes deriuentur ad humores, cum membranae omnes porosae sint, et pororum foramina sufficiant ad derivationem particularum medicamentorum ad usque humores. Nec multum differt Experientiss. Stentzel. *l)* qui ita hac de re disserit: *Physici sibi duplices fingebant poros, alios ab internis foras prospicientes partibus, atque alios ab externis intus spectantes, inter ea vero, quae maxime desiderantur, dictorum demonstratio pororum referenda, quos cum nec a priori nec a posteriori possint probare, inter ingeniosorum commenta ingeniorum merito referimus.* Si vero haecenus dicta cum sequentibus conferamus, lubrico satis contradicentium argumenta niti talo, palam reddetur.

(\*) Dissert. de humoribus c. 22. §. 11. p. 203.

(4) In anthropol. ad pathol. applicata. c. 9. §. 18.



## §. VII.

Ne quis igitur supersit, qui vanam coniecturam inspirantes venas nostras asserat, eius in gratiam, earundem existentiam variis demonstrationibus firmissimis probabo. Differentis autem amplitudinis adsunt foraminula, quorum paulo maiora cum venarum ampliori, minora cum arctiori arteriarum systemate connecti, vero videtur simillimum. Omnis remediorum topicorum index argumentum suppeditat omni maius exceptione. Quis simplicium et domesticorum cataplasmatum stomachicorum, ex fermento et aromatibus quotidiano ac culinari vsui destinatis, regioni epigastricae ac vmbilicali, in vomitu, inappetentia, flatibus aliisque admotorum vsu negabit? Quis linimentorum purgantium, alöeticorum, biliosorum umbilicali regioni in infantibus praeprimis applicatorum, praeque aliis anthelminticorum efficaciam vocabit in dubium? Nec discutientia, neruina atque sic dicta roborantia saltim in partem, cui imponuntur, sed et in remotiores, imo in totum non raro neruorum systema, operantur. Spiritus vini rectificatus aut camphoratus simul, mediantibus frictionibus, illitibusque artubus tam superioribus, quam inferioribus, affatim modo admoueatur, et ille in debilioribus temulentiam, ebrietatis prodromum, hic vero diaphoresin totius corporis, si cumprimis regimen accedat lene, per experientiam, inducit. Nec paregorica ac narcotica subtilibus destituuntur partibus sulphureis, vaporosis, quae viis iisdem deduci ad interiora amant, siquidem externum eorum vsu in dolorificis internis variis affectionibus, et mitigatio, et non raro somnolentia, quasi intro assumpta fuissent, sequitur. Nullibi autem existentia pororum absorbentium eorundemque per venas cum reliquis partibus connexio clarius elucescit



cescit atque in Mercurialium vnguentorum balneorumque decenti applicatione, quae intra exiguum tempus, humores serosos adeo concitare, commouere, atque in maiori copia ad glandulas saliuales congerere, inque iisdem largiorem saliuae excretionem praestare valent, vt miraeius, intra XX. ad XXX. dies, non saltim excernatur quantitas, sed et dirus saepenumero morbus, cunctis suis symptomatibus profligetur felicissime. Si quando vesicatoriorum ex cantharidum, emplastris adperso, puluere confectorum vsus longius protrahitur, non sine admiratione, a sale eorundem acerrimo, in corporis penetralia admissio, viae vrinariae ad reddendum lotium, quandoque sanguinem sincerum stimulantur aperte. De sulphuris, et ex eodem praeparatorum aliorum topicorum in corpus, per poros, ingressu, inductaque hinc humorum solidarumque partium alteratione, in vulgus constare, experientia loquitur. Vt nil de variis per suffitus, fots, pediluua in sanguinem agentibus externis remediis proferam.

### §. VIII.

Non sine pernicie hominum manifesta halituosam sudoris retrogredi materiam, quotidie videmus, vias autem, quibus fertur in circulum suum, per has ipsas venas indigere valemus. Si porro, quantum respirationis turbetur negotium, quantumque cum suffocationis periculo luctentur, quibus scabiosa sanies, purpura miliaris reliquaque exanthemata variolarum, morbillorum, pestis, luis venereae etc. truditur intro, perpendamus sollicitius, de canalibus recipientibus deducantibusque centrum versus, occasio dubitandi relinquatur prorsus nulla. Idem morbi, miasma suum per exhalationem periphericam non raro



ex corpore, in corpus, pororum absorbentium interuentu, deducunt saepissime.

### §. IX.

Et quid multa? dum argentum viuum per crassissimum cerui, alcis aliorumque animantium, vi non adeo forti, traicitur corium, quid certe aliud, quam viae cutis cum canalibus sanguifluis, per vasa serosa connectentibus, producuntur in apricum. Quales venae non minus in hominis cute, siue ab intra siue ab extra Mercurius transprimatur, diiudicantur; quanquam posteriori modo, si externae superficiei cutis applicetur, propulsio celerius pressioneque adhibita minori, contingere videatur. Qui pro diuitiis maris captandis, in eius se dimittunt fundum, urinatores, diu satis ibidem commorantes, ad duorum triumue dierum tempus, potu carentes, vero non absimilem aquarum, per externum habitum corporis receptionem in venas sanguinemque comprobant. Ast quid immoror recensendis experimentis aliisque phaenomenis, pro poris cutis firmiter asserendis, cum ipsa per Mercurium inunctum aliaque externa pharmaca instituta alteratio, ut supra innui, rem hanc satis superque corroboret.

### §. X.

Qualis velamenti externi, quoad foraminula et transmittentia, et immittentia constitutio; talem et in membranis, internas cauitates obducentibus adesse, phaenomena abunde testantur. Scilicet superficies internae, in viuo animali corpore, ob tenerrimos, cum arteriolis minimis, consociatos poros, tenuissimum halituosumque serum, vaporis ad instar, testante autopsia, exhalant perpetuo. Siue enim in iisdem caluariam ac meningem aperias duram, siue thoracem, sterno eleuato, separe, siue abdomen disseces, exhalationes in aëre, in primis frigidior, fumi forma exurgentes



gentes conspicias. Nec hic tantum, sed etiam in variis, in allegato triplici ventre, habitantibus vasis, visceribus horumque cavitatibus apertis, ventriculis cerebri, pericardio, ventriculo intestinisque, maxime ingestis destitutis, omento aliisque eadem continget euaporatio pariter ac transfusio. Quod ipsum vti certius innotescat, aperias viui, vel recens mortui canis ventriculum, intestina etc. linteoque, vel spongia abstergas mucum praesentem, et haud iniucundo spectaculo, a tergo transfudantem aliam conspicias manifeste humiditatem. Verum enimvero quorsum abit hic multiplex, subtilis, aquosusque in cavitatibus suis conclusus vapor, cum nec perpetuae diarrhoeae eius excretiones vlllo euincant modo? In statu quidem, qui est praeter naturam, eundem condensari in serum, in ventriculis cerebri anterioribus, cauo pectoris, pericardii, abdominis, pelvis etc. anatome practica satis superque docet; vbi autem functiones partium cunctarum, secundum naturam contigerunt decenter, nil quicquam eius conspiciere dabitur. Qua de re Excellentiss. Waltherus noster, Anatomicus consummatiss. *m*) de venarum intestinorum papillis egregie differit: *Papillas quae e venis prodeunt neque magis frustra esse eductas, quam quidem illas quae ad arterias spectant, sic arguere omnino cuius liceat: Probabile etiam nobis videtur esse, quod papillae ex arteriis natae, otioso intestino, admittant humorem vberius; contra autem laborante eodem et digerente cibos potius, tum succum illae venarum papillae hauriant largiterque imbibant.* Nec alienum a re est elegans Nuckii experimentum: Aperto canis viui scroto, quaesivit laudatus Vir viam, per processus peritonaei ad infimi ventris cauum perueniendi, applicatique Siphonis ope, aqua

(m) In dissert. de intestin. angustia §. 3. p. 7.



aquae tepidae uncias aliquot iniecit leniter, vulnere post obducto, ne quid eius humiditatis per vulnuscum exstillaret, sedulus custodiuit; quo facto, elapso dierum quorundam spatio, canis apertus, nihil aquae, in abdominis cauo fluctuantis monstravit, cum interim multum minxerit. Quin igitur per alios, cum venis continuis, poros et haec, et omnis supra, in variis locis et partibus recensita humiditas absumpta inque circulum suum deducta fuerit, aut potius perpetuo deducatur in fanis, quotus est quisque, qui audacter inficietur? Quales contra ea aquae, cum ex pororum absorbentium venarumque obstructarum vitio, in variis hydropis capitis, thoracis, abdominis etc. speciebus, in centrum suum reduci nequeant, hinc inde cumulantur, non sine cavitatum insigni extensione. Et quid euacuantium, inprimis purgantium diureticorumque genuina in educendo extrauasato, aut sensim, per transpirationem internam, collecto, in intestina ac vasa inspirato sero possit, non tam observationes egregiae, sed quotidiana in hydropicorum corporibus instituenda medicatio luculenter ostendit. Vt nil de pure empyiicorum, ex pectoris cauo, per has forte vias, ad vesicam vrinariam deducto, variis id ipsum annotantibus autoribus, dicam.

#### §. XI.

Per quas feratur materies immittenda vias ad massam cruoris, supra abunde demonstratum puto, ubi venas in modum arteriarum, in vltima cutis epidermidisque peripheria desinere, dixi. Siquidem enim haec ex minoribus squammulis conflata est, sub quibus partim, partim per earundem hiatus transire eandem cumque venarum cruore se commiscere, censendum est. Quas inter et venas, sanguinem vehentes, minora serosa, omni rubedine, ob terneritudinem suam, destituta intercedere vasa, haud ambigo,



bigo, cum nec sanguis ex arteriis transeat foras, nec proin spissioris consistentiae humor, ob angustiorum diametrum admitti queat. Nec multis hic repetere convenit tam arteriolarum, quam venarum ultimos fines, ex conica sua figura in cylindricam, non simplici, loquente phaenomeno, degenerare.

## §. XII.

Quod certe inhalationis negotium in omnibus integra valetudine vtentibus corporibus, et in externa, et interna superficie, in alio autem corpore maiori, in alio minori quantitate potius accidit. Satiis enim hodie de differenti pororum, vasorum ac partium, haud exclusis humoribus, conditione constat, quam vt vno eodemque modo eam contingere asseramus. Prouti ergo plures paucioresue, magis minusue apertae sunt viae humoresque attenuati ac fluxiliores praesentes, non poterit non haec actio multum differre. Sane quaecunque in largiori exhalant copia serum temperamenta, illa in eadem et saepe absorbere humiditates subtilesque valde materies, videntur. Qua de re nec macilentorum melancholicorum, nec cholicorum habitus constrictior, huic functioni aequae in tanta quantitate fauere, quam laxior Sanguineorum constitutio, conspicitur. Quanquam et alii magis expellentes, quam recipientes, et contra, dentur, quae tamen res sine morbo in partibus vel solidis, vel fluidis iam praesente, fieri nequit. Si porro quantitatis ac qualitatis pororum absorbentium, in variis regionibus externis, peruestigemus rationem, ampliores certe magisque dilatatae in hac, contractiores e contrario minoresque in illa animaduertimus. Quamobrem nunc facilius nunc difficilius eadem continget functio.



## §. XIII.

Cum eadem Aeris, respectu siccitatis, humiditatis, tempestatum, anni temporum, aliarumque circumstantiarum ratio sit neutiquam, sed admodum diuersa athmosphæra peripheriam corporis ambiat, diuerso et modo venae absorbentes muniis suis fungentur. Omnis enim cutis crispatura, ex suis producta causis, oscula constringere, adeoque transpirationem et inspirationem impedire multum solet, cum laxitas eius maior foraminula illius sistat magis patula. Nec vigiliae nimiae, terror, moeror tristitiaque in tanta ad interiora introeunti fluido copia, quam moderata quies corporisque motus ac somnus, animi hilaritas etc. potius fauent. Quod vero interni velamentorum pori multiplici similiter, vt externi, causa non nunquam ita afficiantur, vt resorptioni fluidi sui pares haud sint, extra dubitationis aleam est positum. Tametsi enim aeris iniuriæ non proxime attingant interiora viscera et partes, pinguedine saepe aliisque vallis probe munitas, vt tanto gradu, veluti in externis accidit periphericis regionibus, negotium hoc violare valeant; ob teneritudinem tamen partium canaliculorumque aliqualem, huic et frigus et aliae causae insidias struunt manifestas. Nec resorbenda materies eximenda ab hoc erit censu, quae tam varie et spissitudine, et acore peccare animaduertitur in praxi, vt multo difficilius, imo quandoque impossibile internum reductionis huius munus reddant.

## §. XIV.

Age, nunc materiam, quae et vlllo ingredi tempore potest, et secundum naturam ingreditur peruestigemus, necesse est. Quicquid igitur ex exhalantibus cutis vasis, quiescente inprimis corpore, exit, omnem pene fugit oculorum



oculorum aciem. Aliter rem constitutam nouimus, si placida et insensibilis haecenus dicta transpiratio per motum fortiolem, remedia sudorem mouentia, aliasque causas praeternaturales, magis intendatur, vbi tempestati frigidae expositum fuerit corpus aestuans, exhalantes partes haecenus sensus fugientes, nunc iis comprehendimus. Interim quam extensum valde haec diapnoë naturalis repraesentet vaporem, non minus tamen in apricum ducitur, si vitro, metallo laevigato ac glaciei, brumali tempore, a qualibet corporis parte externa exiens, obiiciatur. Quae certe halituaosa humiditas breui euanescebat tempore, sine vlla sui relicta nota aut faece, quae qualisque sit, testatur abunde. Eandem igitur et venulas nostras ingredi suo tempore materiem posse, nimirum partium terrimarum constitutione non multum dissimilem, quid, quo minus asseramus, prohibet? Enim vero quod ad poros nostros attinet internis cavitatibus destinatos, non videmus aliam, nisi quae per arteriosos exhalantes transiit, absorberi; quae si ibidem diu nimis, ob qualitatem suam pravam, vel venis excipientibus aegre se habentibus, ut paragrapho praecedente annotavi, detenta fuerit, in aquam veram degenerabit non raro. Quorsum enim ab arteriis transudans perpetuo humiditas, quae in canis viui aperto ventriculo ac intestinis inuersis animaduertitur, abit, nisi per venas absorbeatur? Nec magnam eius in vapores resoluti feri, et cutis externae, quantitatem, per interpositas proximeque semper adiacentes vias contrarias reduci in sanguinem, asserere vereor. Cui rei egregie fauere videtur cuticulae ipsius, ex squammulis conflatae, textura, quippe sub quarum tegmine ac moderamine ingens, eius materiae transpirabilis, quantitas in vasa nostra reducentia dirigi commodè poterit. Idque eo



largius in placida magisque naturali transfudatione continget, quo minus, pori serosi cum arterioliis connectentes vltra modum extensi, compressionem nostrorum absorbentium, cum venis cohaerentium horumque functionem impeditam, inducere queunt. In sudore retropulso hoc ipsum, ni fallor clarius apparet, ubi idem qui paulo ante foras protrudebatur, susceptus iterum, ad alias partes, metastasi quandoque nociua, venarum ope deponitur. Sique, quid in purpura, scabie aliisque exanthematibus hinc inde retrocedentibus accidit, nobiscum pensitemus, eandem materiam, quae per illas extus translata erat, per has introrsum spectantes retroire posse, palam fit. Quod ipsum, si pulmonum, ex infelici hac mutatione oriunda damna molestiasque, tussi se saepe manifestantes conuulsiva, quippe quae ab acri hoc impuroque venis excepto, in ventriculum cordis dextrum effuso, exque hoc, lege circuli sanguinis, ad pulmonum parenchyma, per arteriam pneumonicam delato, inductae sunt, penitus animo voluamus, tam certum sistitur quam quod certissimum.

#### §. XV.

Quae nunc vltcrius corpus nostrum ambit externe materies, aeris nomine venit. Verum enim vero anidem per haec vasa ab extra introducatur in sanguinem, nec ne, non ab re erit nobilem mouere quaestionem? Quod enim per alimenta, masticationis deglutitionisque tempore, multum simul eius immixti ingeratur, vltro concedimus omnes. Penes plerosque autem eo redit dubii summa: An respiratione aeris quaedam portio in Pulmonum sanguinem introducatur. Alii enim non solum non credunt, vt idem sanguini emolumentum quoddam praestet, sed etiam eidem existere venenum, affirmare non detrectant



detrectant. Hi sunt, qui eum, venae maiori animalis viui, tubuli ope fortiter inflatum, in peripneumoniam non raro lethalem mortemque ipsam, (forte ob elasticitatem maiorem, quae vasorum pulmonalium nimis extensorum rupturam saepissime ducit coniunctam,) proiicere, laesionesque externas eidem expositas corruptionem concipere, accusare norunt. Interim si quoque quod in animantibus fere extinctis et adhuc calidis hinc inde contingat, ponderemus, si aer vel in arteriam asperam, vel venam cauam, vel ductum thoracicum, per flatum leniter immittatur, ponderemus, contrarius inde non raro resultat effectus. Tantum enim abest vt mortem acceleret aut inducat, vt potius aliquantum et primo in auricula dextra, ventriculo dextro, postmodum et sinistro corde, pulsum pristinum ad tempus leue reuerti, aerisque inflatione vltro continuante, per notabile spatium suppetere perspiciamus. Adeoque alii, nescio quem occultum vitae spiritum in aere hariolantur. Ipse Aristoteles: Res humidas, inquit, ex aere nasci, et Dn. de Nuysement (n) ita differit: *Aer totaliter vitalis est et vitae spiraculum, quia sine aere nihil viuere aut consistere potest, quicquid enim illo priuatur, moritur et statim suffocatur; imo etiam ipsae plantae libero aere destitutae debilitantur et aliarum respectu languescunt. Non igitur frustra aut sine ratione dicimus quod aer sit vitalis etc.* Vt ne plura, ex chymicorum inprimis philosophorum traditis, copiose, plus quam sesqui pedali bus verbis prolata transcribenda afferam, qui de vitae cibo (aerem intelligunt) varia loquuntur. Quamobrem medicorum quidam celeberrimi eius nunc grauioris, nunc leuioris, cum cruore mixtioni subscribere, variis ducti rationibus ac experimentis, in hunc scopum institutis



tutis, susceperunt. Si Borellum (o) audiamus non tam aethereum, sed, grauem elasticumque ad motum oscillatorium sustinendum huncque sanguini imprimendum ingredi, statuit; imo spiritum intus alentem, ex aere petendum idem laudatus autor commemorat. Rectius, ut credo, Excell. Bohnius (p) triplicem aerem ex triplicis generis particulis coagmentatum, crassioribus, subtilissimis siue aethereis et ad vtrasque media ratione se habentibus, dicit, cuius vltimi ingressum facile admittit. Batauorum quondam medicorum Lumen Syluius (q) non adeo recedit qui ita habet: *Cum autem ab inspirato aere sanguinis aestum concludamus temperatum, necesse est ut aliquid ex aere communicetur sanguini, quod contrariam illi, quam in corde accepit producat in ipso mutationem, hoc est quod blande rarefactum blandius condenset.* Nec a Praeceptoris sui traditis multum differt Schwammerdammi (r) mens, scilicet vterque experimento nititur, aerem ac flatum per arteriam asperam in pulmones animantis adhuc calentis immissum, ac lente intra horum substantiam pressum, tandem ad cordis connexi cauitates pariter, ac arteriam venamque pulmonalem pergere easdemque inflare. Quae conspicua quidem demonstratio acutissimo Bohnio nostro nec minus Harueo ac Higmoro, reiteratis experimentis instituta, dubium creauit ingens, cum, qui post aeris repetitam admissionem impulsusque se in vena pulmonali manifestat exaltatior minusque color ac spuma, a sola agitatione, non vero eius cum sanguine miscela ac transmissione dependeat. Hoc ipsum tamen est, quod Celeberrimus Bohnius (s) limitato quamquam modo, facile concedit: *Vnde inquit, necessario*

---

(o) De mot. animal. P. 2.

(p) Vid. Circ. anat. physiol. Progymn. 4. p. 71

(q) Disput. 7. §. 74.

(r) De Respir.

(s) Progymn. 4. p. 70.



*rio infero, aliquid substantiae aereae ipsi sanguini: tam sub administratione horum similiumue experimentorum, quam per respirationem naturalem commisceri. Qualem et aeris externi, per inspirationem immissi, cum sanguine communicationem et Lowerus de Corde, et Truſton (t), variis ex causis, firmam stabilitamque sistunt. Nihil addo de illorum sententia, qui beneficio aeris immissi, et motum sanguinis intestinum et circularem non solum, sed et per hos ab aere excitatos motus, secretiones ac excretiones produci, credunt. Mittam aliorum opiniones et sistam adhuc illa effluvia morbosa contagiosaque, quae forte sub aereo hoc vehiculo ad corporis penetrare centrum per hanc viam non minus possunt.*

## §. XVI.

Ne quis me aliena prolixius tractasse haecenus opinetur, prouocabo ad illas absorbentes venas, quae et venis pulmonalibus, vesiculas bronchiorum vltimas ambientibus seque in eas insinuantibus aequae vt in externo ambitu, sine dubio praesto sunt. Nunc vt quaestioni in superiori paragrapho XV. propositae satisfiat, allaborandum est. Quam debita cum cautione affirmare rem, non nostri solum ingenii lusus est, sed instar aliorum quendam in medium lubet proferre, qui tametsi strenue veritatem rei cognoverit, in viis tamen indigitandis, multum offendit. Est ille Caspar. Barthol. (u) qui ita habet: *Quasdam continuo e corpore particulas excedere excedentesque aeri immisceri, ac quasdam vice versa ex aere intra corporis nostri poros recipi, hanc actionem exemplo sacculi ex lapillis, argilla, arena et sale refertis, qui in turbidum demissus torrentem, alias ex aqua recipit aliasque iterum cum eadem commu-*  
niat

(t) Diatriba de respirationis usu primario.

(u) Specim. philos. natural. c. 12, quaest. 3. p. 83. seq.



*nicat particulas, illustrat. Nec ex altera parte, qui negare videntur aeris, cum sanguine, per cutem, commercium, desunt. Ita enim inter multos CL. Langium (x) sisto, qui de catharrhis ex aere humido, verba faciens: Si ex solo, ait, humidi aerei attactu tantus nascitur molestiarum exercitus, quid non sperandum a vitio hoc intra corpus ac viscera adeo nobilia summeque sensata admissio? Admitti vero aerem ad interiora patulos per cutis poros, doctrina est a maxima medicorum parte concessa, attamen pororum sic conformationem et quomodo, obs. Malpighio Tr. de Tactus organo, pelliculae quaedam siue valuulae ad introitum pororum cutaneorum sint positae secum quis perpendat, hanc aeris ad viscera viam esse incultam, ultro agnoscet. Quanquam, quod pace huius beati Viri dixerim, postmodum mentem suam paulo mutasse videatur, qui (y) de aere non saltim per inspirationem in consortium sanguinis admissio corpori, undique circumfuso, sed et poris illapso, differit. Tametsi vero laudibus celeberrimi per orbem viri nihil plane detractum cupiam, variae tamen subsunt causae, quae me impellunt, ut paulo aliam ab eo foueam opinionem.*

#### §. XVII.

*Aerem si spectemus, non possum non cum Eximio Bohnio ingens eius, pro diuersa crassitie subtilitateue, statuere discrimen. Quod ipsum diuersa altitudo variaque contenta constituit. Quicumque in sublimi positus, astris propinquior est, tam simplicissimis ac homogeneis praeditus censendus est partibus, admodumque expansis, ut rectius elementi aetherisque promereatur titulum. Alia longe illius, terraqueum nostrum ambientis globum erit conditio, qui multis crassis heterogeneisque vaporibus*  
ac

(x) Disput. 1. de homine aerometro.

(y) Dissert. 24. De pituita p. n. eiusque cura.



ac effluuiis refertissimus athmosphærae nomine venire solet. Quin vero et subtilior aethereusque, in perpetuo motu constitutus, altissima ambiens loca, athmosphæram nostram ingrediatur, dissentientem credo neminem, qui non solum spatia hæc repleri ab eodem, sed et ad corpora et solida et fluida intime cum penetrare rectius nouit. Quorsum elegans Bellini obseruatio, qui pullum oui incubatu foti, ouo supposito ponderosorem deprehendit, referenda est. Quæ dum peruadit perpetuo corpora quæ uis, secum ducit, quicquid de volatilibus portionibus exhalationi aptum est. Proin athmosphæram nostram ex maxime heterogeneis constare moleculis, adeo, ut tam aquosa, terrea, salina, quam etiam sulphurea aliaque ex triplicis regni corporibus prodeuntia concreta, eandem ingrediantur, perspicuum est. Nec minus variam eius pro varia altitudinis ratione, terræ nostræ habitudine dari constitutionem, illi patefecere, qui summam exitiosamque aeris siccitatem in montium iugis offenderunt. Grauiiores namque ex superficie terræ nostræ vapores ascendentes, cum in tantam tamque distantem altitudinem perueniant minime, qui valde extenuato exiccatoque se permiscere aeri possint, eum tam tenuem ac summe rarefactum sistunt, ut pro respirationis usu impendi commode nequeat. Quamobrem Olympi cacumina visitantes, spongiis aqua madidis, naribus et orī admotis eundem humectare, humectatumque pulmonibus adaptare, refert Aristoteles. Qualem notabilem differentiam paludosa, humida, profundiora aut subterranea loca abunde testantur. Cum igitur aer ob ætheris quem continet motum rapidissimum perpetuo moueatur, vel sponte intelligitur, cuncta heterogenea in aere hospitantia effluuia in motum rapi eundem satis feliciter.



§. XVIII. Aerem nostrum ambientem in elementari sua magisque puriori constitutione cum cuncta, et nostras venas inhalantes penetrare, vero videtur simile. — Vtrum autem et crassiores paulo cum aere commixtae portiones tam promte transeant, anceps haereo. Interim quantum ad aquam in aere expansam, diuerso tamen tempore, testante deliquio Chymicorum, magis minusue praesentem, attinet, cum ob raritatem omnem oculorum effugiat aciem, nonque, nisi per physica, chymica aut domestica quaedam experimenta manifestetur, subtilitate sua et haec dubio procul subit cutis orificiola. Neque hoc illi dubium ancepsque erit, qui modocunque Balnea aquosa tepida, non externas modo, sed et intus latitantes spasmusque saepe crispas admodum laxare partes, secum perpendit. Quicunque vitam suam mari exponentes, ad fundum eius descendunt, audaces vrinatores aequae, ac in balneis degentes frigidis, compressionis lenioris in superficie sensum accusant, atque illos maxime ad plures saepe dies omnem negligentes potum tamen superuiuere, historiae nos docent. Crassioris ergo paulo humiditatis parte vel minima intrante nemo erit, quin rarefactam potius intromitti, mecum fateatur: Illos praetereo, quicunque sine potu, minimum sufficienti vitam ducunt diu, deiectionibus interim (z) aut diabete strenue vexati.

§. XIX. Quas emittunt ex poris suis continuo partes, corpora quaeuis, inprimis mineralia vel spontaneo actu vel igne agitata, de terra subtili, partimque aere libere continenda testantur. Mitto varia, metalla solum ignis ultimam torturam vel sibi relicta, vel Saturno, antimonio, Bismutho coniunctis, in aere agitata effugientia produco. Nonne enim Saturninus Mercurialisque, qui a purificandis obducendisque metallis nascitur vapor, alta pe-

tens,



tens, aeri commiscetur? Qualem aeris cum exhalationibus metallicis commixtionem in locis metallorum divitibus non solum sensibus, sed et effectibus in corpore hinc inde productis percipere incolae queunt. Nec ignis solum pro solidissimis metallis lapidibusque in ramenta resoluendis minutissima, resolutisque in auram propellendis; sed motus fere quilibet ad incalescentiam corporis continuatus, non absimilem edit effectum. Siue enim torrentur eadem, vitris ipsis, quae ignis intensissimam saepe eludunt vim, non exceptis, siue lima tractentur, vel ad inuicem atterantur, tam late tamen spargunt tenuissimas suas moleculas, vt ex odore et aliis plurimis se prodant effectibus. Mira est sulphuris metallici, tam crudi, quam antimonialis subtilitas, vt metalla ipsa, nedum partes porosiores mollioresque penetret. Quaeque exhalationes ex plantis perfectis beneque maturis perpetuo exeunt, de sulphureis, oleosisque subtilibus portionibus testimonium perhibent. Tantillum ambrae gryseae, moschi, Zibethi camphorae, asae foetidae etc. per plures dies ac noctes aeri expositum, mira ac innumera diffundit effluuia, pondere interim parum imminuto. De oleis aethereis suaueolentibus, aromaticis pariter ac empyreumaticis graueolentibus dio vel calori expositis notissima res est. Quicunque tandem stupendam partium ex corporibus variis egredientium copiam salinis ac sulphureis accensis, considerat, in admirationem rapitur. De aqua maxime multo sale muriatico referta marina, quam solis radii continuo premunt et lambunt, vtut non ignorem, salem grauiorem esse aqua, nil addo. Quae motu a calore solari inducto non aliter tandem eleuandis moleculis salinis par est, quam impetuosius suscepta lixiuii salini euaporatio. Quae si nunc fluidissimo mobilissimoque aethere actuantur, vi subtilitatis eius in poros nostros illabi possunt. Nisi cram-



ben bis coctam afferre vereretur, tam suffimigiorum variorum, camphoratorum siccorum, sulphureorum, Mercurialis, aliorumque mentionem iniicere possem, quippe quae et testante effectu multiplici poros hos non minores sed minimum aequales agnoscunt. Nil ergo obstat, quo minus per vias dictas corporis nostri penetralia ingrediantur.

§. XX. Ut nunc modum siue effectum immediatum, quo intrare consueuere, tangamus, ordinis iubet ratio. Aerem non saltim telluri nostrae, sed et omnium in eadem reperiundorum corporum incumbere superficiei, adeo ut in cunctas eius cauitates patulas, siue oculis pateant, siue minus, vi tenuitatis suae se insinuet, nemo, qui rem curatius secum perpendit, inficiabitur. In cute et singulis ad eam pertinentibus lamellis consistentia ac textura in viuo corpore laxior multisque hiatibus praedita est, qui tamen nunquam vacui, sed aere perpetuo erunt plenissimi. Expansum autem illud fluidum cum nunquam ob caloris vel ignis incrementa ac decrementa continua, verbo mutationem, si vel fuerit valde exigua, quiescat, sed in continua aut expansione aut contractione constitutum agitetur moueaturque, non poterit non intercapedines, ac quotquot attingit meatus, in superficie sua atterere, premere, actuare et, quadata porta, irruere. Qui ingressus, si aeris externi ambeuntis, volente sic summo ac sapientissimo rerum Sospitatore ac arbitro, calorem minorem, respectu hominis sani ac vegeti cogitemus, vltro facilitabitur. In aere, qui ad 90. gradus caloris adscendit, nec hominem, nec reliqua vlla animalia vita frui posse, experimentis hinc inde in hunc finem institutis, satis superque constat; cum aeris frequentior temperies 46 - 50. forte adaequet. Cum nunc locus vel corpus porosum quoddam calore fortiori repletum sit, rarefactum magis aerem expansumque ac leuem continet; ad illum igitur



igitur nifu maiori liberior frigidiorque externus aer vi elasticitatis suae appellet. Quod ipsum non absimili ratione in ambitu corporis nostri externi accidit, vbi aura perpetuo irruens, non solum poros subtilissimos, sed et profundius ad sanguinem vel serum ipsum penetrat. Pori namque venosi ad ortum venarum tam sunt aperti, vt aurae pateant tenui, perque vltiorem eorum in venas propagationem, eandem subtiliorem adducant, eademque semper praesens, superficiemque cruoris attingens, ob motum sanguinis per venas retrogradum, in ipsum vitale fluidum introducatur. Ipsa haec introductio eo felicius faciliusque procedet, animoque comprehendi potest, quo sanguinem hic minus compressum, sed laxum ac expansum concipere tenemur.

§. XXI. Afferti claritatem vltro, si opus, tentamine vario probaturi, prouocare possemus ad varia a variis suscepta experimenta. Ipsa Sendiuogii, famigerati cuiusdam Chymici machina aeoli quasi pilam sistens, cuiusque venter marmore calcinato repletus, tantam humiditatis aereae quantitatem collegit, vt brutorum extinguendae fiti suffecerit. Si aeolipilam, aut vas conicum quoduis vitreum, aut quod aequè procedit, amplo ventre, angustiore collo cylindrico praeditum sumas, fundumque siue ventrem calefacias, orificio eius aquae applicato, ingentem eius portionem, si vel inuersum teneatur manibus, intrare constat.

§. XXII. Etsi venularum harum ex supra allatis multum coruscet vtilitas, paucissimis tamen eandem et vno quasi ictu repraesentare iuuat. Internæ igitur eadem linguae, oris, faucium, oesophagi, ventriculi, intestinorum etc, ex alimentis, partim masticationis et deglutitionis, partim concoctionis tempore, subtilem excipiunt succum, saliuam mixtum, attenuatum caloreque blando motum, ut tam subitanea ex breui absumentis fieri possit resectio, quae omnem pene superet fidem. Haec statuentes, facere recusamus cum illis, qui, nescio quibus insufficientibus quondam ducti rationibus, corpus



hominis viuum, cibis, ore saltim excipiendis, manducandis, manducatisque abiiciendis, nutriri sufficienter posse, asserunt. Verum reliquorum canalium pori innumeri, si intestinorum longitudinem spectes, insufficientem priorem, pro vasto satis corpore, nutritionem testantur, quippe qui non solum in pennatis omnem, sed et in hominibus ingentem chyli quoque praeparati admixtorumque aliorum saluialium succorum quantitatem in sanguinis reducunt massam.

§. XXIII. Quibus sic constitutis, quis de capitis, cerebri, thoracis, bronchiorum, abdominis etc, cauitatibus perpetuo ab exhalationibus humidis plenis, dubitabit? Nec minus, si fellis vesiculam, vrinariam etc. perspiciamus, subtilissimae humorum inibi collectorum portiones resorbentur adeo, vt partim reliquae spissiores manifeste euadant, partim vt succorum promoueatur fluxilitas. Sique in primis, quae in intestina effundebatur, humiditas his iterum reducatur in sanguinem viis, fluxilitas eiusdem mirum in modum promouetur. Quod diarrhoea spontanea, miram intra vnicum diem excernens copiam, haud obscure docet.

§. XXIV. Ex physicis cognoscimus, aerem in chylo, lacte, sanguine, sero, bile, succo pancreatico, vrina adesse, cum post exanthlationes, anthliae ope, exsurgat, humores in insignem spumam eleuatos relinquens. Quae aeris huius subtilis in sanguine per has vias introducti sit vtilitas, nunc dispiciendum restat. Non possum autem non sponte fateri, discrimen dari non leue, aerem inter externum cohaerentem in suis partibus, maxime hinc elasticum, et internum, humoribus adhuc intermixtum, subtilissime diuisum. Hinc est, quod varia cum brutis instituentes experimenta, aerem flatumque fortiter immittentes, lethales clament hinc inde effectus. (aa) Quicumque enim crassior aer in sanguinem per venam in hunc finem apertam ingreditur, tam vehementer se expandet, vt cor ac vasa, flatu in animali vivo expansa, et contrahere se, et se reciproce dilatare, nesciant penitus. Cum porro et salinae salsae, Spirituosae, vappidaeque ac humidae portiones interdum ibidem hospitentur, pro varia sua conditione humores nunc resolvere, inque motum rapere citiorem, nunc incrassare,

coa-



coagulareque, nunc etiam partium solidarum elasticitatem insigniter mutare poterunt. Fallor ego, aut hinc est, quod corpus in alio atmosphaerae statu alacrius, in alio pigrius non saltim ad mouendum, sed et ad meditandum animus euadat. Sane Tullius orat. de lege agrar. contra Rull. diserte id expressit: *Alibi, dicit, licet videre auctiora ingenia et ad intelligendum aptiora eorum, qui terras incolant eas, in quibus aer sit purus ac tenuis, quam illorum, qui utuntur crasso coelo et concreto.*

§. XXV. Si contra ea exclusionem aeris eiusque effectus meditemur, multum eius illustrabitur vsus. Oua animantium nulla in vacuo Boyleano, vel in vitris hermetice clausis, contenta, decentique caloris gradu fota, pullos vnquam producant, sed inertia prorsus remanent. Quod ipsum de animantibus, aeri non mutato, in vase occluso expositis pauco elapso tempore morte interemtis, luculentius elucescit. In animantibus vel in vacuo, vel minimum in aere calidiori iusto i. e. vt aut aequet calorem animale aut superet eundem, detentis, non solum respirationis turbatur functio; sed ob denegatum etiam liberum aeris, respectiue frigidioris, per poros nostros, cum succis corporis commercium, et humores et solidas, illos, expandendo atque ad peripheriam praeter naturae ordinem proliciendo, has relaxando, moriuntur protinus.

§. XXVI. Tenuis hic aer, resolutus, neutiquam vero in bullis cohaerens conspicuis, eiusque determinata, pro differentibus conditionibus, sanguini admixta portio, tametsi non agat in corpore vt ille, in machina forte papiniana inclusus, externoque calore expansus, qui vel ossium durissimorum rumpere repagula valet; *quales certe potentiae, sunt verba (bb) Magnif. nostri Schacheri Decani maxime spectabilis, in aere corpori viuo inexistente ne animo quidem concipi possunt;* non potest tamen non intestinum sanguinis motum egregie facilitare. Talis enim aeris est indoles, vt nunquam quiescat, sed pro diuersissimis caloris frigorisque gradibus, mutetur perpetuo. Quid si igitur hunc motum sanguinis communicari minimis partibus, dicam, vt nunc propius ad inuicem accedant, nunc contra ea laxentur, pro vario eius elatere, proque diuersis conicis canalibus, per quos transprimuntur. Mole ergo

maio-



maiori, quanquam minori pondere, in venis praeditus sanguis, ob aliqualem aeris commixtionem, fortius in arteriis comprimetur, vt hinc condensatior secundum naturam inque iusto sensu solidior euadere queat. Quid quod et molestissima illa, quam alii recens nato foetu, ab aere ambiente deducunt pressionem, paulo post non solum ob respirationis coeptum exercitium, sed et ob insinuationem subtilium aerearum molecularum sensim cessabit feliciter, vbi aequilibrium, hoc pacto, aliquod statutum erit. Plura de medicamentis externis, studio per has vias applicandis et intromittendis in corpus, addere superfedeo, cum multa, vbi de existentia venularum harum verba feci, allata tunc fuerint, quae huc iterum iterumque trahi queant.

§. XXVII. Tam igitur pro sordibus auferendis, venulisque his aperiendis, quam etiam pro variarum proficuarum partium immixtione, balneorum, inprimis ex aquis medicatis aut aliorum ingredientium et herbarum admixtione, paratorum vsus, recte deum intelligitur. Idem esto iudicium de variis fots, vaporis, cataplasmatibus, sacculi, cucuphae, epithematis aliaque forma externa applicatis pharmacis; quae nunc actiuitate sua resoluerent, discutere, nunc neruina sua virtute roborare, nunc alias virtutes, pro variis constitutionibus suis praestare valent. Quanquam igitur frictions, pectinis frequentes applicationes, indusiorum mutationes, imo quandoque confusa vilipendendam multis constituere rem videatur, ob emolumentum tamen, quod in sordibus auferendis, poris aperiendis, motu humorum circulatorio accelerando etc. pollicentur, satis laudari nequeunt. Quantum enim contra ea ex immunditie, indusiis sudore viscido inquinatis, puluerulentis improvide admissis porosque obstruentibus, expectandum sit damnum, nemini obscurum erit. Quam rem in pereleganti, de morbis ex immunditiis Dissertatione Excell. Platnerus (cc) noster fusius solidissimeque expediuit. Similis erit facies glutinantium emplastrorum, pinguium vnguentorum, linimentorumque oleosorum per diuturnum tempus applicatorum; quippe quae et liberiori transpirationi, et vt voce hac vtar, inspirationi, si praecipue senes sicciori rigidioresque habitu corporis praeditos excipiam, multum semper aduersatur.